



Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 62. Huniades Polonorum copiis præfectus

[urn:nbn:de:hbz:466:1-66507](https://nbn-resolving.de/urn:nbn:de:hbz:466:1-66507)

Sæcul. XV. bus infestam caussaretur, Cruciferi ve-
A.C. 1443. ro exhaustam diuturno bello provinciam obtenderent; ideo nulla subsidia Hungarum submissa fuere. Soli Poloni, atque Valachi validum equitum, peditumque exercitum, promisso etiam semestri stipendio, subministrarunt. Cumque Eugenius sacrum Crucis bellum per omnes gentes prædicari jussisset, plurimi ex Gallia, & Germania hoc classico excitati, sponte sua ad Hungarorum vexilla convolarunt: Unde horum potentia, & numerus insigniter crevit. Cum igitur omnes hæ copiæ selecto prorsus milite conflatæ Danubium trajicerent, Sophia urbs (quam antiquam Sardicam esse volunt) occupata est, cumque prope adesse Turcas Rex Poloniæ intellexisset, ab eo Huniades, Vir bello ac pace summus, cum decem millibus equitum, qui hostem, favente noctis silentio, ex insidiis adorirentur, præmissus est.

§. LXII.

Huniades Polonorum copiis præfatus.

Æn. Sylv. de Europ. *e. 5.* **H**uniades proprio nomine Joannes Corvinus dictus, eo tempore Vaivoda, seu Palatinus Transilvaniæ, atque Ladislai Poloniæ Regis, necnon Hungarorum exercitus Imperator fuit, atque anno præcedenti partis de Turcarum exercitu pluri-

pluribus juxta ac præclaris victoriis in- Sæcul. XV.
 gentem sibi gloriam peperit. Jam tertia A.C. 1443.
enim clade Turcas affecit, harum primam
 inflixit Belliducibus Amuratis Imperato-
 ris, quem a septimestri Albæ Græcæ
 obsidione re infecta inglorium discede-
 re coegit, alteram edidit in Transilva-
 nia, tertiam denique apud Vascapum in
 finibus ejusdem Provinciæ. Solum hu-
 jus Viri nomen Turcis tantum incusit
 terrorem, ut ipsi quoque eorum infan-
 tes nonnisi ingenti cum terrore illius no-
 men pronuntiare auderent, eundem ap-
 pellitantes *Jancum Lain*, seu Joannem
 sceleratum.

§. LXIII.

*Huniadis victoria de Turcis repor-
tata.*

Huniades igitur tanti nominis Vir de-
 lato sibi a Ladislao copiarum impe- *Æn. Sylv. ep.*
44. § 8r.
 rio adeo feliciter rem gessit, ut datum
 negotium executurus, noctu per insidias
 Turcas oppresserit, & (ut referunt Histo-
 rici) triginta eorum millia fuderit, qua-
 tuor millia unacum novem signis in ca-
 ptivitatem abstraxerit, reliquos autem in
 fugam egerit, quingentis duntaxat suo-
 rum desideratis. Parta hac victoria,
 Christiani inde ulterius progredientes,
 cum ad fines Thraciæ & Macedoniæ per-

E 4 venis-